

INUIT ATAQATIGIIT

INATSISARTUNI



Nuuk, 12. maj 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartunut ilaasortaq Naaja H. Nathanielsen, Inuit Ataqatigiit)

Apeqqutit:

- 1) Nunatsinni inoqarfinni qanoq qanorlu akulikitsigisumik, erngup imigassap pitsaassusia imermillu pilersuineq pisortat nakkutigisarpaat?**
- 2) Erngup pitsaassusaanik ajornartorsiortoqartillugu, pisortat innuttaasunut ilisimatitsinissamut qanoq pisussaaffeqarpat, innuttaasullu pitsaanagerusumik ilisimatinneqartarnissaat qularnaarsinnaavarput?**
- 3) Ullumikkut erngup pitsaassusaatigut pilersuinikkullu Nunatsinni sumiiffinni assigiinngitsuni, ukiuni aggersuni iliuseqarfigisariaqartunik ajornartorsiute-qarpa. Uani erngup pitsaassusaa pilersuinerlu kisiisa pinngilakka, aammali ruujorit, imiisiviit nunaminertallu erngup pileqqaarfianiit atuisumut anngun-nissaanut atorpeqartut.**
- 4) Qanoq qanorlu akulikitsigisumik sumiiffinni allani erngup immallu pitsaassusaa pisortat nakkutigisarpaat? Assersuutigalugu imeq sunngiffimmi atorpeqar-tartog, soorlu tatsini nalunnguarfiusartuni, illuaraqarfinniluunniit inuit imertar-tarfiini.**

Tunngavilersuut:

Tamatta erngup mamassusiata allanngorartarnera nalunngilarput, immaqa annermik upernaakkut. Tamanna qujanartumik amerlanertigut ulorianaateqartanngilaq, kisianni ilaanneeriarluni innuttaasut inanneqartarput imeq qalaqqaassagaat.

Pingaartorujussuuvoq taamatut nalunaaruteqarnerup innuttaasunut kalluarneqartunut anngunnissaa. Ajoraluartumik pisortat tamatigut Nunatsinni tusagassiuutit aqqutigalugit taamatut nalunaaruteqarneq ajorpassipput, ilaannili taamaallaat illoqarfinni nunaqarfinnilu eqqorneqartuni nivingaanikkut nalunaartarlutik.

Tamanna naammaginangilaq, tassami napparsimasut pitsorluttullu taamaaliornikkut kalerrinneqartanngillat. Nuna tamakkerlugu assigiimmik periuseqartoqartariaqarpoq, qularnaarneqarluni erngup pitsaassusaata ajornera pillugu nalunaarutit innuttaasunut sapinngisamik amerlanerpaanut anngunneqarnissaa.

Apeqqutit ullut suliffiit 10 ingerlaneranni akeqquneqarput.